

四庫全書

集部

欽定四庫全書

集部
南邨詩集卷三

詳校官庶吉士_臣龍廷槐

中書_臣劉源溥覆勘

總校官庶吉士_臣翁聖脉

校對官典簿_臣劉景岳

勝錄監生_臣沈毓鳳

欽定四庫全書

南邨詩集卷三

明 陶宗儀 撰

曉起

豆苗引蔓上疏籬
桐樹吹花落釣磯
老我田園閒處好
故人書札近來稀
挂巾蘿薜看雲起
沐髮滄浪待日晞
只怪平生詩癖在
形骸消瘦不勝衣

題王筠菴水邨山居二首

垂楊舊種成籬落
小徑初開近石砭
夜雨漁舟添箇箇

晴沙鷗鳥下
雙雙夢魂不到鳴珂里
卜築何須濯錦江
沽酒鱸魚從野老
高僧招隱壓新腔

松杉束屋青天小
猿鶴當階白晝閒
木客揖人騎虎下
谿童采藥賣琴還
玉笙聲斷雲連席
丹竈光沉月滿關
我欲排楹與隣並
掬泉洗耳聽潺湲

錄宋宮人語

雲護春陰凝薄凍
煙銷鑪篆帶餘馨
殘花滿院鶯聲澀
細雨吹簾草色青
丹鳳不來天浩浩
玉簫吹徹淚冥冥

腰肢瘦損真無幾，寧使清心混濁涇。

對月

客子每看湖上月，秋聲漸近竹邊窗。
流螢綴衣夜數箇，白鶴聽琴時一雙。
甘旨未能娛綵服，旅愁長是對寒缸。
飯牛屠狗誠無媿，附鳳攀龍志未降。

熟食日有懷

去年今日天台路，布襪青鞋捫薜蘿。
山鳥亂飛疎雨至，人家閉戶落花多。
孤燈客鬢愁中改，千里鄉關夢裏過。



江漢悠悠為客淚先瑩回首倍滂沱

西湖晚步題湖山堂

短策輕衫徐步穩平堤落日算光遲郎君馬上敲金鐙
官妓船頭唱竹枝老鶴不歸和靖墓長林還護鄂王祠
吁嗟人事朝朝異山色湖光似昔時

長安市

長安市上多青樓樓下美人嬌以羞千金買笑復何惜
萬里作客還自愁勳業未成慙寶鑑英雄何限看吳鉤

百年世事如雲雨老大徒傷易白頭

九日

江城黯慘傷秋算人事艱難感恨長正苦兵戈依遠道
不堪風雨過重陽鬢毛垂領蕭蕭短菊蕊盈枝細細香
妖氣天光兩冥漠將軍何日定荆襄

獨坐簡趙彥微

豺狼猛噬據荆徐烽火連雲照玉除世上小兒皆習戰
江南何地可安居諸侯控制兵機冗濫吏誅求國政疎

獨坐小窗情思惡秋風嫋嫋正愁予

曉發松江

客裏東風促去程沙棠舟小布帆輕
衝人鷗鳥雙雙起近水桃花樹樹明
故喜吳淞堪寄食不愁江漢尚屯兵
經綸事業成虛擲一寸葵心向日傾

次邵冠軍客中見寄韻

重關列戟遲行舟小雨吹煙凝不流
時逐檄書傳帥命數呼官酒破詩愁
江城已擊扶搖上海宇還期汗漫游

春樹重重雲算合懷人多在驛西樓

皆夢軒為陳汝嘉賦

北窗高臥羲皇上不比南柯太守衙塵世蕉陰方覆鹿
山童竹裏自敲茶黃梁旅邸空仙枕春草池塘即謝家
萬事轉頭同一幻怪來筠管忽生花

偶成簡錢曲江

字惟善

坐看涼月上谿樓桐葉晶瑩露氣浮戀闕近瞻天北極
懷親遙隔海東頭寓形宇內一身老濯足滄浪萬里流

安得神飈駕輕轂白雲直下即丹丘

寄贈葉子澂

名以清京口人避兵華亭遂家焉貧而尚節義

平生不受官長罵結屋乃在深郊居田無二頃每種秫
日有百錢惟買書養親上堂具甘旨留客煮飯挑嘉蔬
憐君行義有如此名譽豈肯終閤閤

次謝士英韻

郊原十里非凡境屋宇無多似瀛西新竹長來吟徑小
綠楊缺處畫橋低茶浮石鼎兒新煮詩滿雲箋手自題

乘興看山出林麓短筇一箇影清谿

春雨初晴沈野亭見訪

九十日春渾有幾相將一半雨兼風草堂晴旭生虛白
花徑兒童掃落紅漫喜故人來泗北更期後夜宿山中
青鞋布襪須吾輩百遍相過意未窮

次夏士良戶侯韻

竹裏茅茨白板扉興來隨意卧牛衣天籠平野前山遠
水拍危橋過客稀釣罷得魚沽酒去雨餘種豆荷鋤歸

故人卻在城南住日日清觴四坐飛

秋懷次夏停雲韻

妖氛瀕洞逼京華將畧時無李左車休唱貞元供奉曲
似聞商女後庭花職方未復江南貢使者空乘海上槎
自古和邊真拙計却令紅粉泣琵琶

送陳平仲

我居巷南子巷北同是挈家來避兵故園荆榛已能理
遠道虎豺那可行老懷作惡輒數日寒谿送別傷離情

未知後會更誰好
斫鱸且醉雙銀罌

讀史次謝元素韻

長時讀史白雲西
往事評來手自題
亮也已亡誰相漢
單云多智國存齊
百川行地終歸海
五緯經天未聚奎
堪嘆洛陽宮外路
銅駝荊棘夜烏啼

樂靜草堂為衛叔靜賦

屋繞芙蓉九疊屏
日長客去掩閒庭
岩花煖傍疎簾落
階草晴分汗簡青
溫火試香刪舊譜
汲泉煮茗續遺經

江南定有徵賢詔太史方占處士星

次韻荅楊廉夫先生

移家正在小斜川新買黃牛學種田
奏賦不騎沙苑馬懷歸長夢浙江船
窗浮爽氣青山近書染涼陰綠樹圓
樂歲未教餅有粟全資芋栗應賓筵

夜坐

披衣散髮坐南榮漏點遲遲欲二更
風約沼萍雲影淡月栖徑竹露華明
石牀涼意浮珍簟寶鼎沈烟噴玉笙

世慮不關心似洗此身只覺在蓬瀛

梅花鵑

谿北谿南十萬枝洞門深鎖幾人知月香水影無多語
姑射羅浮自一奇千里喜傳春信早孤筇偏愛夕陽遲
殷勤更入坡仙詠共補辛夷別墅詩

守歲次謝高潔韻

明日五更纔是春坐深不覺漏聲頻風塵瀕洞向今夕
燈火團圞能幾人老去清霜吹鬢髮愁來雙淚落衣巾

乾坤擾擾皆兵甲何處谿山著此身

機山懷古次趙廷采韻

昭侯功業在人間二俊文章若可攀
西洛竟從王同辟秋風不遂季鷹還
平原邨迴家山靜華表雲深鶴夢閒
有客艤舟來弔古空林落葉雨潛潛

長至日林泉偕雪林踰鳳岡訪友聯句次其韻

鳳皇飛舞結青山九曲雲林第一關
輕櫂每從谿口去短蓑長自嶺頭還
初陽消息升沈裏二老襟懷嘯咏間

此地正堪願
尊景采芝底
用躡商顏

催梅為雪林作

的皪孤標隔水湄
我家庭館見何遲
喜迎春信無多日
莫負東風第一枝
湖曲老逋魂定返
羅浮仙子夢曾期
短筇立待黃昏月
嗅得寒香便賦詩

代梅答

向暖南枝趁早開
讓渠獨占百花魁
與時無競緘春在
感子相思索笑來
吹笛且休明月底
煮茶宜傍白雲隈

老子不比桃和杏直要皤皤羯鼓催

次景訥菴韻送廷采

傳家留得舊青氍旅食西州五十年老去祇知懷故國
曉來生怕送歸船九山影落三江口丹杏花開二月天
最是東風雙語燕留人飛過酒尊前

先照樓為玉無瑕上人題

若木枝頭耀燭龍寅賓先與最高峰光明徧照三千界
樓閣宏開第一重舉目心徵香水海至誠膜禮紫金容

五時說法如親聽向上圓機不露鋒

華嚴經云如日
初出先照高山

聽雪為孫以貞賦

瑤池阿母教飛璫細搗冰花擁佩旌
郭索行沙林竹偃
吳蠶食葉紙窗明短編清夜誰家讀
柔櫓寒谿遠處聲
閉戶先生俄側耳松濤沸起煮茶鐺

八月十五夜玩月次韻

高捲湘簾看明月一年今夜十分嘉
露華清灑玉毫兔
林影還浮金背蟾太液池臺當更好
廣寒城府望非賒

據牀老子婆婆在嘯咏歡娛孰有涯

次胡別駕韻寄李儀曹至剛

皇帝徵除贊禮曹御爐烟染越羅袍太微垂象郎星近
仙步趨朝地位高夙夜寅清宗秩祀儀文開朗列英髦
嗟余白髮懷思日孤鶴長鳴在九臬

小園即事次胡廣文若思韻

日長童僕理蔬畦官舍如同隱者栖新水方塘魚在藻
落花小雨燕銜泥杯盤留客兒能奉琴冊娛心手自攜

滿紙文章新灑翰人人爭道外孫董

緋桃次韻同前

凝脂近水騁芳姿劉阮從來見事遲血寫妖猩衣燦爛

用紅衣人事

燄融烈火錦昌披

用石曼卿事

壽同西母還丹日笑

倚東風醉酒時絕勝渡江顏色淺英名久入彥謙詩

萬竹林為鶴砂子廷立賦

渭川壤地栽千畝海上雲林長萬竿晉室一時人曠達
爾家三徑日平安琅玕響激秋聲早翡翠陰團雨氣寒

裏茗敲門容借看清風吟嘯對檀欒

九日次韻

今年九日還為客朋舊壺觴興趣同雁影江頭清淺處
龍山天際有無中黃花細吐香堪采白髮高歌氣不充
醉把茱萸懷弟妹異鄉飄泊已成翁

張林泉九日寄詩次韻答之

畊田鑿井水南郊嬾性從來謝拔茅草檄未能行虎落
濡毫敢望立螭坳菊萸並進重陽節萍水相親遠道交

歲歲茲辰動懷想若為對飲共山肴

新寒寫懷次韻

世故漫漫混渭涇九山高枕臥雲屏
攤書霧拂雙眸瑩攬鏡霜欺兩鬢青
歸燕淒涼誰復顧吟蛩哀怨不堪聽
秋風落木茅茨破坐右高縣陋室銘

壬申十二月廿九日林泉抱拙伯仲萬山別駕同
宿三昧軒得何字

歲晏高朋忽我過諸生尊俎罄歡歌
老來短鬢因愁改

醉後衰顏為酒酡燈影未隨雲影淡漏聲不似雨聲多
明朝約共尋梅去屐齒泥深可奈何

立春次韻

歷降靈臺一歲新氣調玉燭萬方春候灰浮動輕於雪
臘酒傾來白似銀花勝亂簪人鬪巧菜盤新簇齒生津
尋芳早晚如相約便整肩輿繼後塵

雨窗會飲分韻得雞字

南畝躬畊水一犂夜來風雨正淒迷華筵盛集書相拉

白絹斜封手自題賓客不分牀上下杯盤盡出玉東西
太平深野宜歡樂還憶都門曉聽雞

和琴清萬山五日雨窓酌酒賦詩韻

睡餘閒把離騷讀白髮星然一老身五采誰纏長命縷
赤符不上小烏巾蘭湯滑凝芳華冽丹白香融藥草新
簾卷琴清軒外雨蒲觴酌客更情親

夏原舟寄詩求譔其先子墓銘次韻答之

男兒不必嘆流離治世麒麟可繫羈好句自堪橫槩賦

壯懷莫為聽琴悲迢迢遠道江南夢念念雙親壟上碑
此日勒銘當不愧行藏顛末我曾知

贈良介菴上人

開士傳來竺國燈驀然悟道在聞聲鯨音寶梵岩花落
鑪篆蒲團海月生靜掃六塵無染著要觀一性本圓明
何時借我袈裟地試把宗乘與細評

化城寺悟本心上人有軒修竹中今寺與軒幻為
劫灰瓶錫游方自號竹軒志不忘也

此君勁節保平安
壞衲幽居寄嬾殘
一榻清風敷具坐
四窗涼雨卷簾看
梵餘瑟瑟笙簫答
定起沈沈翡翠寒
長作化城安隱想
眼前隨處碧琅玕

送潘貢士魯璵

東風拂曙泮林春
行李觀光上國賓
歲貢成材雖有格
旦評雅望妙無倫
帆浮翠縠江波灩
馬控青絲柳色新
此去辟雍天咫尺
早持釣軸見經綸

送人才殷惟中

春水綠波春草碧春風一擢發江城到京便入人才選
薦剡連排父老名朋舊稱揚多義舉衣冠惜別重交情
此行喜遂平生志簪紱榮身感聖明

甲戌元日次韻

守歲鑪邊燭尚明家家簫鼓雜鐘聲紫霄散彩晨光發
元日開祥淑氣生萬丈赤城懷復眺千絲白髮喜還驚
老來但博身强健詩酒朋游慰客情

送呂仲徵知縣之官武平

明經擢第下金鑾題賜宮羅墨未乾
早歲喜訓尊主學
長才先試牧民官
銀章朱紱三千里
白舫青簾五百灘
在汀一縣花開琴調古
佇聽趣召入朝端

題顏近仁清風卷

近仁先朝進士能寫竹

高棟曾軒頻澗阿
此君挺挺翠駢羅
寫真纈素襟期合
相與冰霜節操多
鸞牡遄歸周甫誦
蓬萊何處玉川歌
門前應用開三徑
自有故人時一過

題朱文儀松軒清賞卷

五鬣離離翠作行
四簷奕奕住中央
籤裁象齒尊經史
帖護芸暉寶晉唐
點易研朱朝滴露
題詩握管畫焚香
開庭亦有風來處
不及君家意味長

贈樂安居士張彥載

治世優游賦考槃
葛衣藜杖筍皮冠
清谿一曲居常樂
紅日三竿睡正安
花外雨窗窮蠹醞
竹間風鼎淪龍團
到頭渾是清閒福
笑引兒孫種合歡

題王孟京先生采芝生卷

高風千古仰商顏自喜幽栖近九山
短鍾每從層巘陟
頃筐長帶亂雲還晴霞煖護金莖紫
曉露香融玉朶殷
辟穀延年端藉此飄然行邁列仙班

賞牡丹次蕭古齋韻

萬卉千葩推第一天然國色謝鉛華
沈香亭對殊堪匹
金帶圍成未足誇宿露煖風滋絳蠟
曲闌輕幄障晴霞
尊壘燕賞加題品格調清新是作家

次韻送張處善歸楓谿

慨世浮名散若烟喜君浩氣直如弦
兵戈避地三江曲湖海論交廿載前
夜雨漫懷揚子宅早潮催發米家船
楓林渺渺晴雲外此去添予別緒牽

代賦借鶴

香靄瑤壇恭歲事帝真幢節控神飈
朱陵紫府傳丹檢白鶴青鸞下碧霄
翅影亂隨旛影颺吭音渾與玉音調
衆眸瞻睹同稱讚孰謂仙禽不可招

中秋對月有感

我室曾煩月照幃今年此夕認清輝芳時一去無繇返
皓首同歸與願違
煎漏聲傳人寂歷胡牀影矗露霏微
碧霄如水連銀漢好洗浮生萬事非

又次冰雪翁韻

碧空湛湛露華清萬籟沈沈一鑑明
節序俄驚今夕是
光陰只使老懷驚
梧盤小酌雙瓶盡
賓主高談四坐傾
童子煮茶來報說蓮花漏刻已三更

送萬用謙歸豫章

阿兄司臬莅松城令弟辭家賦遠行
吳楚相望縈別恨
墳麓迭奏謁親情
山頭曉月長亭小
江上秋風一舸輕
楊柳條疎不堪折
頻頻勸酒待潮生

題瞿景泉空空室

名蒙

都門此日寄高蹤
僦屋通衢豈諱窮
四壁蕭然無長物
八窗豁處有清風
居安養拙遽廬若
絕念忘形幻泡同
方寸虛靈元不昧
漫從釋部話空空

雪中偶成次書莊叟韻

瑤池阿母試鸞刀剪碎馮夷白戰袍琪樹千林清可攬
玉厓萬丈勢彌高越箋題句披蟬翼建盞行茶沃兔毫
却笑堆成獅子樣街頭便可怖兒曹

和山翁寒夜竹所宴集韻

西湖雪裏喚相宜欲約重游未可期歲月匆匆多契濶
杯盤草草足委蛇金荷燒燭光逾粲石鼎聯詩句益奇
老子婆婆嗟莫預買花載酒不為遲

相宜
船名

立春次韻

迎春餞臘此辰兼暢飲何愁酒價添
春菜青青數甲拆
枯荻短短綻包尖銀幡鬪巧應須賜
玉燭調和不用占
晴日暖風春信早千紅萬紫競穠纖

除夜次韻

歲律纔圓已戒程滿家守餞歷深更
驅儼隊列粃盆艷
爆竹聲揚玉漏清
糗車船窮鬼事杯盤燈火異鄉情
徘徊不覺東方白
簫鼓喧闐到處鳴

丙子元日次韻

帝車揭柄夜司寅鳳歷頒季氣象新元日舒長開正始
東風扇煖逗陽春刻桃作版神如在列炬為城迹已陳
笑把屠蘇隨後飲南邨我是老天民

算春分韻得青字

輕寒輕煖夜來晴鵲鷦催畊語不停清沼滿浮春水碧
綠陰濃帶遠山青無雙美醞玻璃盃第一名花翡翠屏
欲駐芳輪無上策匆匆離思短長亭

水西畊隱為林彥祥賦

西疇膺水泠泠小結茅茨也自清白蠹簡編風外讀
烏犍蓑笠雨中畊休官彭澤惟陶令行義安豐有董生
九月築場禾稼熟獻羔祭韭樂昇平

次韻自述

飄零江海半生多年少疎狂老益磨柳拂簷牙兒手種
苔黏屐齒客來過雨窗吟苦償詩債茗盃香清遣睡魔
亦欲躬耕南畝上飯牛閒暇織農蓑

九日次韻

重陽佳節古今同老我淒涼思不窮
兩浙東西淹歲月一身南北類萍蓬
登龍人在銷沈外戲馬臺荒感慨中
醉把茱萸懷弟妹不知烏帽落西風

平湖為山陰鏡上人賦

萬頃平湖枕越城短篷如在畫圖行
波浮霜鑑金輝瑩山擁冰壺玉氣清
翡翠蘭荂酣淨綠天光雲影照空明
知章一曲應分得用作沙門字與名

次曹雪林見寄韻

告老歸來鬢已秋
山中廬墓境深幽
田園已遂陶彭澤
鄉里爭稱馬少游
戲彩庭前思遠道
解纓風外濯清流
新詩題寄渾難和
筆力高於五鳳樓

千山訪曹雪林劉深雲周雲鵬看菊花雲莊有詩
次其韻

千山盤曲帶諸峰
與客尋幽向此中
谿色秋同天色淨
籬花曉裊露花濃
雲林泉石清深處
人物衣冠太古風
酌酒賦詩忘路遠
放船歸晚意無窮

並頭鶴頂紅菊次雲樵韻

翩躚籬下合歡叢
駢首昂昂沁淺紅
湘浦淚沾仙羽若
喬家醉嗅晚香同
秋宵併作繁華夢
春色勻光隱逸風
自昔栽培無此本
丹鉛圖寫待良工

黃白二色菊

一本花敷二樣芳
試稽別譜異尋常
東籬夜結金銀氣
彭澤神游坤兌方
正色半隨霜露改
晚香渾似蝶蜂忙
蠟葩月朵爭輝潔
漁隱詩篇久播揚

周清真詞蝶粉蜂黃茗溪漁隱有黃

白菊
詩

次林泉韻簡雲莊

慈親堂上笑開顏
畫舫歸來落照間
一割分疏投柏府
諸郎迎候出林關
風塵涉世情當適
鷗鳥忘機意自閒
開歲元宵無幾日
入城好約看燈山

丁丑元日分韻得生字

土牛餞臘三元正
玉燭調和四海清
老眼細看新歲歷
白頭偏動故鄉情
人家競寫宜春帖
宰相寧無列火城

圖軸高縣鍾進士怪精也復可憐生

謁貞烈廟

元封英義武
惠正應王

義興縣裏長橋外祠宇巍巍枕碧虛
華袞端居英義像穹碑深刻右軍書
斬蛟射虎傳今昔盡孝全忠耀里閭
一櫂經過來致謁石香爐畔整冠裾

過石臼湖

四圍漲塞中流淺一日風帆百里程
勢敵洞庭天所設形侔石臼古來名
烏犍黑豕千羣亂碧草黃沙萬頃平

幾處空林皆可畫扣舷吟咏豁高情

三月朔日入都門

欣欣灌木衛園丘滾滾長江控上游虎踞龍蟠真聖主
天開地設古神州五雲宮殿參差起萬國梯航遠近柔
何幸布衣膺寵命擬隨仙仗覲前旒

二日早朝

雞人三唱送殘更禁鼓夔夔日未升白玉構橋聯五仗
黃金題榜耀觚稜班傳臚句朝儀肅樂奏簫韶旦氣澄

黼坐正中天咫尺叩頭丹陛益凌兢

到家

頭白衰年一病身輕裝來往倏三旬
五城街市經行遍數畝田園入望頻
芳草落花吳苑夕短帆輕槳潞湖春
到家菊茂秧田綠老作皇明治世民

過鳳山錦溪橋

錦溪橋下水平谿楊柳條長拂岸齊
參政

張璠

寶坊歸幻

却右丞

徐義

先壟可悲悽漁船檜楫雙雙短酒店茅簷處

處低市井荒涼風景異老鴉啼過亂雲西

白醉樓為范文鉉賦

目眩金鑼

唐高素道遙館冬日初出銘云墮指折膠夢想曝背金鑼騰空映簷白醉

日出初

簷闌凜冽氣全蘇心情酣樂非因酌體骨融和似欲扶

西閣吟成唐杜老

詩集有西閣曝背篇

寒時作息宋田夫

負暄事見列子

幕天席地從吾意兀兀陶陶一念無

送王思廣還常德衛

名弘

玉立長身意氣多相逢忽在鳳山阿晉朝人物王文度

漢代將軍馬伏波缺甲枕戈曾報效錦衣傳檄謾婆娑
東風二月桃源路歸騎翩翩奈爾何

蓮月軒在華亭東林寺為矩菴方上人賦

鑿沼栽蓮半畝強開軒敷席坐端相從來水月真靈境
化出匡廬古道場兔影淡籠銀索淨冰輪清碾玉簪香
要知影色皆為妄本性圓明意味長

寺正殿奉
觀音大士

寒碧軒為玉岩璉上人賦

花惟簷蔔樹旃檀地位清高眼界寬雲彩半分水鑑碧

天光倒浸露壺寒靜凭曲檻湔凡趣宴坐曾軒習止觀
本性空明猶湛水未教風外起波瀾

洪武三十一年閏五月初十日亥時大行皇帝崩
十六日皇太孫即位十八日大赦天下改明年
為建文感而恭賦

先帝逍遙游碧落神孫端拱坐明堂九重統握乾坤大
萬國恩沾雨露香動植飛潛滋德色都俞吁咈慶明良
老臣舞抃南邨底笑對兒孫兩鬢蒼

閱畊

陳處士號也

小築瑤谿水北莊
閱畊杖屨日徜徉
父留子播知無逸
妻饁夫耘敬有常
好雨三時禾毓秀
涼風七月稻吹香
相逢田畯談農事
西陌東阡幾夕陽

中秋夜對月

八月平分秋正中
飄香桂子落長空
十分圓魄年年好
一道寒光處處同
清唳忽來蓬島鶴
亂吟不斷露莎蟲
南邨未釀南樓在
治世琴尊屬老翁

乙卯元日

鳳歷新頒紀建文初元正旦上晴曦一人聖德敷皇極
萬物光輝沐湛恩家世傳來書滿案賓朋致賀酒盈尊
太平如此誠難值只願年年子又孫

題唐涿州橫雲草堂

三泖移居屋幾楹青山一帶與雲橫翠芬落几琴聲潤
玉氣浮階鶴夢清剖竹專城施政教縣車故里養尊榮
杖藜莫厭相過數好付兒郎管送迎

城市山林為孫子華賦

我家住近古城陰
隨分生涯豈用心
佳菊移栽秋粲粲
修篁羅植畫森森
溝池環匝泉源活
門巷幽閒徑術深
祇為長年耽野趣
旁人都道是山林

送上海知縣司公守道赴召

妙揀憲臣來作宰
文星天上照雲間
薦賢名奏麒麟殿
戀闕心馳虎豹關
駐轂邑門留犢去
借船浦口載書還
東南賦稅民罷病
荅問應知動聖顏

送人才何公遠

朝端奉旨舉賢才使者馳書海上來
琴冊緘封榮組紱衣冠飲餞列尊壘
五城樓閣雲烟繞萬國山河錦繡開
聖主臨軒求治切奏陳利病莫遲回

題靖州衛陳指揮凌雲堂

指麾訓練渠陽衛奕奕名堂結構全
五彩翬飛昭武烈八窗洞啟樹機權
拋書草檄風生席握槩談兵月滿天
他日論功須第一凌雲發軔上凌烟

次胡萬山韻答陳祠部

坐樹疏梅試一吟紛紛霽雪落長林
鰯泉石鼎烹山茗
溫火金鳧爇水沈
幽意漫隨寒日淡
故人遙住白雲深
試看題寄新詩句
珠玉篇篇有賞音

題沈宗文竹梧軒

竹梧竝植近軒墀
一榻清風日自怡
玉立娟娟冰雪操
翠融挺挺鳳皇枝
昌黎喻勒王孫誌
工部吟題省署詩
琴瑟斷成笙管截
明廷九奏致雍熙

送俞知縣嘉言之魯山

皇朝進士聲華重藩邸清曹正列班有旨召除分宰出
叩頭請告送親還疏章切婉長沙傳組紱行之古魯山
百里塗謠稱善治傳家定達五雲間

送友之官

握手河梁酒一卮若為會合在何時前旌剡剡催行邁
疏柳蕭蕭綰別離明月圓虧千里共尺書往復半年期
願言清慎修吾職早晚高遷侍玉墀

送李給事中行恕服闋之京師

名敬

給事先皇內六曹緝熙九法獨稱勞

音

苦聖室終綬

制旌旆蘭舟試錦袍玉筍聯班黃道直
宮花簇仗紫垣高
清朝事業光千古黼黻鋪張屬俊髦

五日次萬山韻

奪標競渡快輕狂憶昔游觀力尚強
艾顥離離供巧製榴花朵朵殿羣芳
辟兵人佩靈符小弔古江沈角黍香
曉起畫梁雙語燕似知節序說興亡

景辰張先生校文福建歸林公崇高畫閩溪放櫂
圖賦詩其上以餞因次韻就題

一櫂閩溪下瀨船千巖萬壑路勾連榕陰處處浮嵐外
杜宇聲聲落照邊考試來臨多士上官游向在十年前
故人分手難為別寫得雲山上蜀牋

松齋為玉峰秀上人賦

上人遠自海東來為愛青松到處栽花落石牀閒不掃
聲和天籟定初回折將席上為談柄

大明法師事

留向山中

具法材幾欲裏茶林下煮高齋賦咏亦幽哉

缺簫為張以道散人賦

冶師百鍊昆吾刀
範出錚錚七竅簫
把弄豈侔龍躍琯
奏成好列鳳儀韶
清風赤壁三千頃
明月揚州廿四橋
海上散人攜作伴
較渠思致我猶饒

題許彥清松鶴軒

奕奕高軒結構成
種松養鶴遂閒情
翠濤翻處鳴逾遠
金粉飛時步覺輕
衣溼長防清露滴
枝蟠不怕舊巢傾

歲稔五粒真堪啖相與長年已訂盟

臘月廿七日雪

立春三日雪花稠作陣隨風卒未休屋宇高低銀蓋覆
郊原遠近玉雕鏤將軍好問平吳策高士誰乘訪戴舟

九萬車夫多凍餒定應未到濟寧州

十一月松江府起
差民丁九萬名赴

濟寧陸運糧米九
萬石至德州軍前

送教諭沙允恭赴禮部試易經

袖行薦剡謁南宮白鶴長鳴蕙帳空花氣春濃薰錦旆

柳絲風軟拂青驄
世承雨露詩書澤
筆補陰陽造化功
應試歸來須一月
離筵勸酒莫匆匆

送夏西疇還寧夏

歸來已是十年過
行李蕭蕭兩鬢皤
紫塞冰霜還部曲
清秋風雨去關河
潮浮短棹征途遠
酒盡離觴別恨多
從此音書應更少
斷腸分手淚滂沱

送道士葉道心游武當

均陽雄鎮武當山
金闕宏開縹緲間
龍虎風雲環紫極

龜蛇水火悶玄關杖藜遠道秋行役幢節層壇曉綴班
此地逍遙酬夙願丹成九轉未知還

送陳子章赴王家灤館所

多士留連醉別觴琴書一棹水花涼郊原不異東西灤
主客何分上下牀白髮垂垂勞授業青衿濟濟快升堂
弦歌聲輟閒情好定有新詩為我將

送戴叔溫赴京

堂堂廷尉重詳刑幕下賢郎案牘清
奔訃宅憂喪有制

釋袞還吉禮無傾船從三泖湖頭發路向丹陽郭裏行
此去功名渾好在秋風買酒敘離情

送廷采還黃鶴山中三首

廷采宋宗室諸孫世家越之姚江從外舅氏黃
鶴翁讀書武林山中其為人趣操高尚進止雍
閒博涉書傳外喜吟咏尤善畫山水竹石擅一
時之美大抵胸中所養不凡見諸筆下者自然
超絕今年春復游淞江得相與往復兩月許忽

懷故山猿鶴翩然賦歸日抵算來告別燈下書
此以餞兩眼昏花殊愧草率

木葉蕭蕭小雨零西風鼓櫂晚潮生江山形勝歸圖寫
今古詩篇付品評乘興漫窮登眺樂懷人不盡別離情
蕙帷黃鶴應無恙此日歸來思益清

黃鶴山中夙著聲丹青文學有師承前身直是王摩詰
佳句還宗杜少陵溪上曉來烟似幄江南春盡雨如澗
扁舟催發輕離別作惡情懷老不勝

霜落松江水氣清風前一舸白鷗輕十年已是三番別
兩地都來幾日程鬢髮蕭蕭憐我老杯盤故故惜親情
開春有約重攜手不在吳山定越城

送邵升遠應聘之京

朝廷歲歲徵遺逸奉詔蒐羅在有司深巷窮經端可樂
諸侯勸駕不容辭天威咫尺黃金闕虎拜三千白玉墀
清問從容及民瘼東南黎庶洽雍熙

送張有秩御史制闕如京師

五采沖霄見羽儀，龍蛇研影快清時。
報親讀禮三年畢，事主揚名四海知。
獬廌班中曾抗疏，鳳皇臺上好題詩。
滄江畫鷁潮催發，不盡離愁酒一卮。

送錢敬叔歲貢赴禮部

名讓

隴頭不待鶴書招，勸駕賓筵禮數饒。
芹泮泳游才孔雋，鵬程騫翥氣彌高。
九山霽色浮江渚，十日春風拂柳條。
一曲驪駒頻喚酒，離愁楚楚正難消。

送薛應翔人才之京

持牒喜從鄉老薦畫船
搥鼓發江城馬空冀北
標雄逸鳳起河東仰聖
明萬國朝天黃道直五
雲擁日泰階平
旌旗研影三千字朱紱
銀章被寵榮

送徐思勉應聘書誥敕

寒谿鼓櫂赴弓招雪點
輕裝錦作袍日侍殿庭
沾聖渥職書綸綍簞清
曹鸞回鳳舞金花軸鍊
畫銀鈎玉兔毫
九萬鵬程從此始登瀛
視草步彌高

送曹士望應聘書誥敕

丹詔徵賢上玉京草堂動采樂文明一經夙繼春秋學
三事難忘仕宦情佶曲聲牙周誥古森嚴開朗晉書精
八鑒臨幸西清日奏對鋪張屬俊英

送貢士蔣時俊之京

名彥英

聖世崇文治教隆歲徵多士赴南宮賢關上舍高升日
泮水西齋靜學功夜雨寄懷三徑竹春風得意五花驄
臨歧握手難為別尊酒何時笑語同

送張宗武

宗武應聘入京余以師生之義偕親友四五人
送至姑蘇別洪武己巳正月四日晚解纜明日
大雪深二尺許又明日雪霽過澱山湖賦此以
簡同舟之能賦者

小舟衝雪向來曾如此湖山喜快晴萬頃淵渟雲浩渺
一峰危立玉崢嶸寒生毳褐清尊並色映烏紗白髮明
只怕閭門明日到春風惱亂別離情

贈龜卜金谷祥

周官太卜寶神龜旦旦梁黃

黃絹裹梁卯以被龜

澡被之造龜灼

鑽研恭按式謀為杌隍用稽疑一人能了三人識諸兆還從四兆推獨有谷祥金處士傳家術業邃於斯

志喜

洪武庚午五月至六月彌月不雨松江命方士陸雲澗建法壇仙鶴觀禱焉余所居長泖上去城北三十餘里地勢高亢河流涸禾稼悴民惶惶無所措十四日未申之交雷電以風急雨隨

至十八日又雨潮汐復大作涸者溢悴者榮因
以志喜問城中人雖涓滴無有也

翹首甘霖久不霑火雲赤日勢如熒桔槔聲斷川流竭
穠稌苗枯暑氣炎迅電掣霆誅厲魃蒼龍飲海挾飛廉
四郊滿慰三農意從此豐年可預占

次天淵韻二首

辭親祝髮已真休孰肯將心憶故丘禪榻熏爐從早夜
雲筇雨笠幾春秋朝廷制下催歸籍羅刹江橫去買舟

公案參餘千七百明年試罷復來游

風采飄飄若貫休相逢猶憶在丹丘多師妙闡三乘法
老我愁添兩鬢秋蒼苔清芬浮雅製鳳皇空翠落歸舟

到鄧應是無多月又向金陵賦遠游

上人寄吳淞之昭慶寺寺有繡經室

曰蒼筤林鳳皇山在寺之東北隅

邵弘遠用陳祠部韻賦詩見寄和以答之

故鄉遙隔一谿青眼底湖山興趣增
荊本賸栽多按譜魚秧新種未容曾
舊藏書富縣籤皮重慶堂高衣采登

未卜何時能往訪懷人長望渺雲層

青出於藍分外青承傳世學喜加增濟川舟具帆檣柁
漁海人資網罟罾豹管一斑慙淺見天門八翼會高登
老余待盡南邨裏屋上添茅歲歲層

送鄉貢進士錢宗善餘慶吳時緯仲文吳克潛綱
赴京會試

一從鼓篋見奇才高步蟾宮折桂來聖世設科羅俊彥
春闈較藝奪高魁柳陰繫馬深杯勸江上揚帆急鼓催

此去定知逢慶會奎光昨日燭三台

新水生時一櫂輕吳淞江上雨初晴會知富貴能相逼
決取科名在此行龍虎榜高濃淡墨鳳皇臺近古今情
瑤林宴後還登覽萬國山河共帝京

東風攬轡過長干楊柳青絲拂繡鞍場屋競誇攀桂手
文章深契主司官泥金寫帖緘書寄燒尾開筵共客歡
玉陛臚傳當第一班催鵷鷺立朝端

和張賓暘西疇汎舟韻二首

平疇積水欲成湖未有良工寫作圖晴日曛曛收宿靄
暖風和暢拂春蕪綠楊紅杏韶華麗白舫青簾主客娛
老子放懷成痛飲醉循歸路日西晡

潦水茫茫接澱湖人家如在輞川圖日明練色涵青嶂
風細鱗紋漾綠蕪打鼓踏車農事冗放船攜酒客情娛
飲闌同叩鄰姬戶啜茗聽謳直至晡

故社士姚文實輓詩

啟祠抱主鄰炎熄封股煎糜父病痊一代衣冠今社士

百年詩酒古神仙高風雅入名人傳孝行宜登太史編

欲訪清游已陳迹空山短日思淒然

朝廷賜爵社士年七十三卒國子學

錄錢鼎作傳

哭趙廷采儼

餘姚江上故王孫黃鶴山中講世昏冰玉聲華過衛樂
丹青事業在乾坤半途忍棄妻兒面一念應懷父母恩
泚筆為修潛德傳無多老淚只銷魂

悼周通玄鍊師

史君延致禱霄壇
電掣霆流起劍端
秘訣曾傳蒼玉檢
長生未服紫金丹
月升海嶠猿啼切
露溼松巢鶴夢寒
雲屋秋局風落木
似聞環珮尚珊珊

因祈雨勞神得疾
迤遲而亡洪武丁

卯九月
十六日

臘月癸亥立春喜晴三首

一冬靈雨動彌旬
今日初晴值立春
八表蕩除陰沴盡
萬民瞻睹太陽新
土牛綵仗寒猶洩
蔬甲雕盤綠未勻
林下老翁增壽紀
宮花不上小烏巾

開歲三元尚一旬東城簫鼓已迎春辛盤切出絲絲細
花勝簪來朶朶新柳眼感金猶淺嫩梅腮傅粉已輕勻
臘醅缸面浮香螳不負吾家漉酒巾

霖潦相仍幾浹旬和風麗日逗香春龍精戒旦陽交泰
天子崇文歷換新檻外柳高金縷弱庭前草短翠茸勻
老夫還怕餘寒在煖耳難除白氎巾

己巳七夕立秋次胡萬山韻

頭童齒豁鬢毛衰老大徒添宋玉悲天上雙星應有約

人間一葉似知時
綵樓香滿涼生早
銀漢橋橫夜度遲
此日報秋端罕遇
呼兒捉筆和新詩

白露日桂花開次張一高韻

池上曾軒日夜開
天垂銀漢洗浮埃
岩花初見丹英吐
節候新交白露來
細細古香吹小榻
灩灩清氣落深盃
蟾宮此夕知何夕
老子神游不用猜

洪武庚午正月七日雪

東皇在御未班春
滕六呈祥景物新
一夜花明寒粟冽

九山玉潔曉精神清浮剡曲懷思權淨洗邊疆戰伐塵
百穀有秋端可望草堂紀詠屬詩人

十日喜晴

九日春霖曉忽晴鵲鳩喚婦鳥和鳴麥畦水漫人疏濬
梅驛泥融客問程景象從今還好在江山依舊可憐生
待看三五燒燈夜簫鼓聲中樂太平

七月廿四日喜雨口號

鑠石流金暑肆威櫟聲響答稻將疲天濡霈澤三時久

水漫枯疇二寸奇
雨玉雨珠那可濟
維糜維芑實堪期
黃童白叟爭稱道
太守虔誠為我祈

八月初二日喜雨次林秉彝韻

水涸田枯若漏瓢
桔槔聲動出層霄
滂沱雨澤驅炎燄
決潏潢汙混海潮
今歲定期秋稔熟
前邨已救稻枯焦
農人鼓腹齊歡躍
管有糧儲奉聖朝

十一月廿七日雪賦禁體詩一首明日小寒

九冥裁剪密還稀
驢背旗亭索酒時
刻水懷人乘逸興

梁園授簡騁妍詞小寒紀節欣相遇瑞兆占年定可期
莫塑獅兒供一笑埽來煮茗快幽思

七月十四日書事

雲靄冥迷風暴烈雷霆擊薄雨滂沱十圍大樹相隨壓
百丈神龍競逐過潢潦驟增疑漫海溪流直立似縣河
天威未霽誠當懼冠服兢兢念靡它

南邨詩集卷三

欽定四庫全書

集部

南邨詩集卷四

詳校官庶吉士_臣龍廷槐

中書_臣劉源溥覆勘

總校官庶吉士_臣倉聖脉

校對官典簿_臣劉景岳

謄錄監生_臣沈毓鳳

欽定四庫全書

南邨詩集卷四

明 陶宗儀 撰

題墨竹

把燭倩官奴娟娟入畫圖
秋聲風雨外照見碧珊瑚
蒼梧帝子游蕭瑟倚清秋
一握冰紈裏長懸翡翠鈎

題紈扇折枝竹

翦來青鸞尾挂向珊瑚鈎
明月照清影一握湘江秋

題畫采

曉起畦丁送長齋思益清平生耽此味厭說五侯鯖

題飛鳴宿食百雁圖

碧漢斜書草草清宵衆語雖雖莫向蘆花深處江南稻
熟秋風

題林亭高士圖

岩壑衣冠逸士松篁琴酒閒亭坐看雲生遠岫一江春
水泠泠

題落花游魚

蒲抽翡翠茸茸花落胭脂片片曉來戲啜游魚雨霽綠
波如練

題王黃鶴竹石便面

貌得篋中墨未乾蕭蕭離立萬琅玕此君心事堅如石
一握清風拂面寒

趙海寧長松高士圖

春雷喚起蒼龍蟄鱗甲蜿蜒雲氣溼道人長鑱劖茯苓
半天風雨山精泣

算春雜興次顧君舉韻

漁父鯉魚長尺半提攜不受人家喚
當壚解縛換酒歸
爛醉滄江杏花畔

趙待制山水

山外溪平不肯流山前喬木易知秋
水晶宮裏清幽地
不信無人著釣舟

侯仲冶風雨歸莊圖

黑雨橫江天漠漠饒蛟怒吼驚濤作
扁舟冒險且歸來

正恐明朝風更惡

清曉過南屏

漏盡銅虬夜未闌
曙星炯炯碧雲端
馬頭籠燭衝寒去
直過南山第二關

宮詞三首題王叔明士女

閤門傳詔宴龍池
宮漏穿花月上遲
準擬承恩供奉處
鏤金團扇乞新詩

大家妝著闌時宜
等候君王看月嬉
三十六宮清夜永



幽情不許外人知

水晶別殿十分涼
金碧平橋近建章
直罷歸來成小立
花深驚起宿鴛鴦

題張渥湘妃鼓瑟圖

朱絃促柱鼓湘靈
霧鬢風鬟下紫冥
萬頃碧波明月裏
曲終惟見數峰青

題實相海上人滄江一葉詩卷

刻刻輕於脫瓣蓮
飄飄一葉寄栖禪
風休月白波濤靜

覺海重乘大願船

次韻曦講師南仲牧閒園雜詠十首

樹林鬱茂即祇園種藥栽蔬要剪繁甘菊醫方能療目
頻分野老淪瞳昏

蒿藜非類便須鉏菜甲青青小雨初更待明年春筍出
就林燒熟味如酥

曲徑傍邊蒼筍林莖頭朵朵綴璫簪經餘未把架漿解
靜嗅清香坐樹陰

日涉名園引興長
綠陰多處石牀涼
花時那似今番好
翠篠娟娟過粉牆

幽草疎花靜裏看
桐陰穿膝坐蒲團
頓除妄念機緣息
方寸無縈眼界寬

萼萼青青早芥紅
引流分灌露華叢
園丁采掇供香積
日日攜筐向此中

小築垣墉繚四陲
前頭即是梵王祠
沼花新吐芬陀利
石鉢溪泉獻一枝

新添野圃四無隣
埽徑時時款逸民
展席松陰談妙覺
我來借榻或經旬

芳草池塘蛙亂啼
青松未長鶴巢低
坡陀誰種閒桃李
玉立修篁箇箇齊

牧閒不與世爭能
雲護柴關玉作層
客到莫嫌無供養
鑿池栽藕種茭菱

題畫二首

抱琴高士

重重綠樹護清溪，欲覓知音路轉迷。
布襪青鞋吟未了，又隨野色過橋西。

停舟高士

落落長林水一灣，綠陰多處白鷗閒。
畏途塵滿無心踏，獨坐船頭看晚山。

次韻題柳燕

溶溶暖綠漾芳堤，一握柔絲剪未齊。
簾卷東風疎雨歇，落花香染定巢泥。

題楊士賢山水

風雨歸舟

山雨溪風晚未休
蕭蕭落葉滿汀洲
漁船罷釣歸何處
眼底狂瀾正可愁

雪林行旅

積雪寒凝晝不消
琉璃林琪樹聳孤標
寄言逆旅休辭倦
西崦人家路尚遙

題馬遠竹溪吟奕圖

好詩應向過橋成逸興還從對局爭此日山林無一事
竹香細細晚風清

為謝居士題畫冊

山中隱居

小小茅茨住碧山柴門無客晝長關移家更入雲深處
城市終年不往還

竹深避暑

萬竹林中草縛菴溪聲隱隱隔雲嵐日長客去收經卷

一枕清風睡正酣

題本原上人悟雪卷

雪滿千山初定起
瑤林玉樹總如如
湛然常寂心無染
清靜圓明等太虛

題袁安臥雪圖

玉琢芙蓉朵朵開
乾坤清氣費詩裁
先生一榻高千古
不管門前縣令來

題綠竹蒼石圖為萬竹山人壽

粉香翠影碧琅玕丹鳳林中第一竿雨露恩濃磐石固
清風日日報平安

題畫梅

梨雲落莫錦雲低誰寫冰魂上赫蹏玉骨從來無此色
想應新浴武陵溪

右紅梅

明月孤山處士家湖光寒浸玉橫斜似將篆籀縱橫筆
鐫線圈成箇箇花

右墨梅

題墨芙蓉

西風采采媚秋光
絳節朱顏翡翠裳
只恐夜深青女妒
洗妝研沼墨痕香

題和靖觀梅圖

小朵遙岑隔翠漪
背籠衣袖立多時
暗香浮處催詩句
落葉昏黃分外奇

題趙廷采溪亭讀書圖

溪山佳處構茅亭四面芙蓉朵朵青
新水夜來添一尺湘簾高捲畫橫經

題雲莊畊隱圖

亂雲深處水回環南畝無多屋數間
曉起一犁春雨足夕陽牛角挂書還

題觀瀑圖

千峰紫翠插芙蓉上界招提有路通
更向石橋觀瀑布玉虹萬丈挂晴空

題雙松獨釣圖

雙松偃蹇水接藍幾疊遙山送碧嵐一葉釣舟輕似葦
短蓑烟雨老江南

題張叔清采蓂圖

秋風江上紫莼肥童子攜筐采掇時獨有東曹能命駕
至今此味少人知

題夏士良修篁芙蓉

故人一別兩年過寫寄相思恨轉多欲采芙蓉隔秋水

只聞江上竹枝歌

題畫菜

蘆菰生兒菜有孫露芽雨甲媚盤殮自知肉食非吾相
抱瓮何辭日灌園

繞屋蔬畦稱食貧雨餘齊出翠苗新山庖頓頓殊風致
天上酥醅未足珍

題梅鶴高士圖

月明孤鶴唳前汀一樹寒梅護石屏香篆已消童子倦

道人猶對蕊珠經

客窗聽雨四絕句次南山韻

十年歸夢剡溪船
眼底江山若箇邊
春事寂寥人意懶
一天風雨共愁眠

蕭然一室小於船
那得心情到酒邊
只怕今年無菜麥
悶來拋卷曲肱眠

處世真猶上瀨船
紛紛人事浩無邊
就中亦有清閒者
醉即高歌倦即眠



新種垂楊可繫船尋盟日日到鷗邊當年曾向已江泊
政似如今聽雨眠

題詩意圖

杖藜訪友趣蕭閒采藥山深待未還流水石橋松影合
溪童指點亂雲間

題倪雲林枯木竹石小景

蒼玉庚庚翠袖扶墨池洗出碧珊瑚倪顛老去風流盡
只有雲林小畫圖

題墨梅

花光三昧幻冰魂滿紙春風帶墨痕好似孤山亭子上
一枝斜映月黃昏

開泖口號四首

縣民應役開長泖兩岸高低菜麥空程限不嚴功力怠
監官酣酒舞裙紅

四十里長橫泖路會工都用六千人開挑兩月無成績
主典汙慵欠拊循

溝渠堰塞為開河河未開通雨轉多水浸麥根渾爛却
今年生理竟如何

萬農蹙額籲蒼旻莫把春霖困下民種得稻禾供餽餉
全資二麥濟飢貧

題鷓鴣

湘江岸口黃陵廟苦竹叢低雨氣昏相喚相呼泥滑滑
長途多少客銷魂

題金華趙彥如所藏畫軸

嫠女光芒地，魖靈天潢倒影湛。清冷眼前不盡登臨意，
都在溪山一草亭。

題和靖擁爐覓句圖

一童一鶴住西湖，千古高風識畫圖。水影月香成絕唱，
苦吟猶自擁寒爐。

題黃葵

西蜀孤芳分外清，嫩黃新染越羅輕。自從承却金莖露，
向日檀心一寸傾。

題雪景山水

碎剪銀河片片零芙蓉開徧玉峻嶒八窗洞啟虛生白
好似蓬婆最上層

題葵花雉雞

向日傾心矯不移援琴閒操雉朝飛仙人掌上金莖露
滴著娟娟五彩衣

題人物山水

古賦裁成學遂初山童研墨且徐徐石頭几上溪藤滑

旋拂松花對客書

為許玄伯題畫

黃菊

道人小葺柳邊莊
三徑西風逗晚香
按譜秋葩班異品
堂堂正色御袍黃

緋桃

學會徐熙筆法奇
濃磨翠屑襯胭脂
武陵溪上神游熟
寫得春風小折枝

題黃葵聚蝶圖

亭亭花萼媚秋光
露滿金杯蝶翅涼
二月好春渾忘却
亂飛爭戀御羅黃

題清暑觀瀑圖

隔岸林泉照眼清
玉虹千尺挂空青
松風謾謾涼如洗
一段匡廬九疊屏

題倪元鎮雲岫溪亭圖

扁舟昔日惠山前
裏茗來烹第二泉
清悶老仙呼鶴處

岡頭亭子尚依然

題林子山畫次韻

子山乃松雪外孫余家有其畫名休承

一箇青松覆小亭香浮菡萏遠逾清日長無事拋書坐
靜聽文楸落子聲

題荔枝

大唐置驛貢遐方火齊虬珠裏蔗漿博得玉環纔一笑
教坊曲奏荔枝香

題曹雲西雙松圖

柳雲西畔一詩翁畫法營丘理趣融
四十年前經此地
雙松無恙草堂空

題萬玉圖

踏雪尋梅訪老逋西泠橋外小山孤
疎疎密密花爭發
好似傳來萬玉圖

題王若水戴勝

桑樹柔條葉已空晚來獨立語東風
纖絃自是閨房事
喜得頻催早獻功

片片疎翎列頂旗
娟娟文羽攬春輝
邊庭大將能知汝
獻捷封侯戴勝歸

慈雲十詠

靈峰古剎

衆山羅立小為尊
一朵靈峰啟法門
氣聚風藏龍脈遠
元符寶殿尚孤存

慶雲禪關

慶雲五色照清溪
郁郁紛紛望遠迷
第一禪關從此入

西頭即是古招提

堵師全身塔

一定千年與世忘當時起塔謹安藏
如今試啟雲龕鑰
爪髮還應幾許長

竺師覺花堂

繽紛天雨寶優曇聽法升堂總戒嚴
頓悟此心成一笑
阿師不待覺尊拈

運師芥子室

蓮池翫月

沼中淨植芬陀利天上高縣白玉盤
香遠光清宵更寂梵餘徙倚石闌干

層巒拱翠

雲屏九疊自天開龍象森嚴震法雷
莫怪山靈無供養六時朝禮送青來

雙溪環碧

流水縈紆遠接天一支分入寺門前
且教聽講蒼龍蟄

維摩方丈未為奇我室呼如芥
穎宜三萬二千師子坐
著來尚可踢須彌

簷蔔林

簷蔔花開玉朵攢清香滿室似旃檀
五千餘卷都披卻
四十二章寧浪看

松閣看雲

長松落落遠塵寰重閣陰陰奠碧山
盡日跏趺自怡悅
禪心已共白雲閒

朔風顛號樹木枯層冰積雪凍模糊三冬酷冷無今日
獸炭頻燒醉玉壺

癸酉五日六日陰七日雨

兩日寒陰人日雨不堪吼地北方癡馬牛畊戰人供億
百穀豐凶未可知

穀日雨

寒風翦翦雨冥冥水白雲黃菜麥青聽得老農牆外語
今年不得看參_{倉含切}星

菩薩來乘大願船

庚午十二月十八日雪

滿載寒花玉氣浮野航一箇小於甌曉來試上城頭望
碧海金山兩白鷗

辛未八月廿三日大風雨口號

大風怒吼雨如麻入得更深勢轉加曉起忽聞牆外語
今年只損木綿花

辛未子月廿三日

九日雨

終日霖霖不肯晴
晚來片片雪花零
竹爐熾火驅寒氣
缸面分醅入夜鉸

赤脚雪

雪停五日未全消
雲淨天清氣次寥
故老相傳名赤脚
來年山岳要枯焦

十二月初一初六兩日聞雷

今年臘月兩聞雷
虢虢聲從何處來
陽不閉藏先出地

下民修省可禳苗

丙子五日甲子雨

正月上旬逢甲子試稽農歷定豐年奈何終日風兼雨
又恐乘船入市塵

三日率諸生赴禮部考試

應試南宮聽考研諸生背讀瀉鳴泉清曹儀制席分領
次第編名奏奉天

十日給賞

講明三誥闡王言億萬師生沐湛恩曉起內廷催給賞
謹持寶楮出端門

十一日謝恩

四更來遶紫宸班恭謝皇恩仰聖顏五拜禮嚴三叩首
春風兩袖趣東還

八月六日白露

今朝白露亥時交小雨霏微向日捎野老為言無過慮
歲豐天意已先教



廿三日

打窗風霰五更頭寒沍重陰晝不收積水淼漫天一色
望窮只益老農憂

二月六日日出二竿許松江府城為黑氣蒙蔽若
重霧然人對面莫辨誰某一飯頃乃散附城五
七里間亦如是較之城中則稍輕耳此時處處
鄉邨風日妍麗

黑氣冥濛壓府城路人交臂只聞聲須臾消散清如埽

未卜將來作麼生

臘月五日早霜

鴛鴦萬瓦玉參差
青女橫陳肆臘威
曉起推窗疑是雪
稜稜還向太陽晞

月九日

穀日宜晴翻作雨
明朝西北大風狂
聖人在御民安樂
未必天心降不祥

廿八日雪

杏蕊嬌紅柳眼青
東風陣陣雪花明
春光已是三之一
底是嚴寒砭骨清

十一月朔大雪節早見雪

狂風昨夜吼稜稜
寒壓重衾若覆冰
節氣今朝逢大雪
清晨瓦上雪微凝

臘月乙卯日己卯時雷從西北方起

連朝氣候若春溫
曉日曛曛忽慘昏
一道金光飛閃電
雷聲虩虩震天門

正月十七日

上元次夕月華明雪霰繽紛欲二更曉起作花飛向日
苦寒砭骨勢崢嶸

正月廿二日夜三更雷始鳴

風狂雨急夜三更隱隱春雷已作聲節候數來先十日
多應羣蟄未全驚

南浦

會波邨在松江城北三十里其西九山離立若

幽人冠帶拱揖狀一水兼九山南過邨外以入
于海而溝塍畎澮隱翳竹樹間春時桃花盛開
雞犬之聲相聞殊有武陵風槩隱者停雲子居
焉一舟曰水光山色時放乎中流或投竿或彈
琴或呼酒獨酌或哦咏陶謝韋柳詩殆將與功
名相忘嘗坐余舟中作茗供襟抱清曠不覺度
成此曲主人即譜入中呂調命洞簫吹之與童
子櫂歌相荅極鷗波縹緲之思云

如此好溪山，羨雲屏九疊。波影涵素暖，翠隔紅塵空明。
裏著我扁舟，容與高歌鼓柁。鷗邊長是尋盟，去頭白江
南看不了。何況幾番風雨。畫圖依約，天開蕩清暉別
有越中真趣。孤嘯柘篷窗，幽情遠都在酒瓢茶具水滄
茫。搔晚月明一笛潮生浦。欲問漁郎無恙否，回首武陵
何許。

一萼紅

賦紅梅次郭南湖韻

水雲鄉又南枝逗煖綽約漢宮妝春艷穠分朱鉛淺試
翠袖獨倚修篁想應道東風料峭剪霞彩零亂補綃裳
勾漏尋真丹丘授訣傲睨冰霜畢竟孤標還在縱天
桃繁杏難侶寒香瑪瑙坡頭珊瑚樹底江南別是風光
且莫倚高樓玉管怕輕盈飛處誤劉郎依舊小窗疎影
淡月昏黃

露華

賦碧桃用南湖韻

武陵夜寂記露影璇空一笑曾識素臉暈鉛巧把黛螺
輕幕莫是歌渡烟江浣却舊家顏色還又訝深宮紺袖
唾花猶溼問他阿母消息甚落莫梨雲青鳥難覓不
比錦紅輕薄容易狼藉嫩綠護出溪頭誰顧采香仙客
春晚也頻溫玉笙是得

念奴嬌

九日有感次友人韻

黃花白髮又匆匆佳節感今懷昔雨覆雲翻無限態故

國寒烟榛棘杜老漂零沈郎瘦損此意天應識劃然長
嘯不知身是孤客呼酒漫裓清愁玉奴頻勸兩臉添
春色眼底平生空四海倦拂紅塵風幘戲馬臺荒登龍
人老往事休追惜山林無恙也須容我高屐

木蘭花慢

次胡筆峰遷居韻

占中山一隅雲掩靄水縈紆便小理疏畦深鋤菊圃細
甃花衢平生幾番卜隱到而今方稱列仙懼問字溪翁

載酒執經弟子將車 猗歟心迹混樵漁安用絕交書
向石上圍棋松陰搗藥樂意偏殊當年輞川圖畫有林
泉如此更何如旋買良田種秫只知吾愛吾廬

月下笛

賦落梅

東閣詩慳西湖夢淺好音難託香消玉削早孤標頓非
昨阿誰底事頻橫笛不道是江南搖落向空階閒砌天
寒日暮病鶴輕啄 情薄東風惡試快覓飛璫共翔寥

廓永魂漠漠謾憐金谷離索有時巧綴雙蛾綠天做就
宮妝綽約待一點脆圓成須信和羹問却



南邨詩集卷四